

fecit aliis verbis cap. XIX. Nam per tolerantiam devicto injusto *Præside*, sicque Immortalitatis Corona recepta, cum Apostolis, omnibusque *Iustis exultans*, Deum ac Patrem glorificat, atque benedicit Dominum nostrum. En *Exultatio ipsa*, <sup>Exultatio</sup>: en ipsum *Glorificare Deum* coronatis *Athletis* tributum, quod *Johanne* teste in Apoc. XIX. 7. incolæ Cæli usurpant, dicentes: *Gaudeamus & Exultemus, & demus Gloriam Domino Deo nostro, quia venerunt nuptiæ Agni*, Luculentius autem expressa hæc deprehendas in antiquissima Latina *Versione* ejusdem *Epistolæ Smyrnenstis*, ab *Ufferio* edita, & *Sæculo Christi IV.* ut is opinatur, in usum *Ecclesiæ Gallicanæ* confecta. Hanc rursus evulgavit *Ruinartus* inter *Acta Martyrum*: Parum dissimilem dederat & *Bollandus* Tomo II. *Sanctor. Januarii*. Ibi legitur cap. II. *Beata enim Passiones Cælestia tolerantibus Regna parturiunt; & post contempta hæc omnia, opes, honores, parentes, Coronæ consummatio plena Martyrium est.* Cur vero *Martyres* animo tam intrepido omnia perferrent, ratio ibi redditur: *Parabatur enim unius horæ exitio Gaudium, nulla vetustate periturum.* Hæc ibi, quàm eandem *Epistolam*, variis dentis, additis, aut mutatis, *Smyrnenes* ad varias *Ecclesiæ* miserint. Sed & ex eadem *Versione* cap. VIII. hæc habeto. *Tandem hora illius ac tempus advenit, quæ custoditæ acciperet Coronam Justitiæ, quam scilicet & Apostelus Secunda ad Timoth. IV. 8. expectabat repositam sibi in illa die,* non uti opinatur *Burnetus*, ei tradendam post complura, immo plurima *Sæcula*, sed *Resolutionis*, sive *mortis* suæ die, quemadmodum accepit & *Polyearpus*, ab *Apostolis* ipsis eruditus. Propterea beatissimus idem *Martyr* in oratione ad Deum, quam in limine certaminis præmisit, agebat cap. XII. *Tu benedico, qui me dignum hac passione duxisti, ut percipiam partem, Coronamque Martyrii. Sec. ut completo Sacrificio istius diei, Promissâ tuæ veritatis accipiam.* Hæc veterum *Christianorum* fides, hæc doctrina, quam adhuc *Catholica Ecclesia* a majoribus traditam constantissime servat. Atque ex his paucis constare jam potest, quam longe a veritate abierit, quantumque suis *Lectoribus* imponat *Burnetus*, dum primitivæ *Ecclesiæ* traditionem nobis adversam, sibi omnino faventem, apud imperitos venditarit.

## CAPUT VIII.

*Justinus Martyr* *Chiliasarum* errori adhaerens, cum *Burneto* tamen minime concors. *Quæ de præsentis controversia senserit Auctor* *Questionum ad Orthodoxos.*

**A**T ille instantato certamine sortiores pugiles pro sua sententiâ educit, quorum primus *S. Justinus Martyr*, qui vitam pro Christo dedit Anno *Vulgaris Aerae*, ut creditur, *CLV.* Is enim in *Dialogo* cum *Tryphone*, pag. 223. edition. *Colonienf.* in hæc verba de *Animabus e Corpore* abeuntibus loquitur: *Pis quidem in Loco quodam meliore manent: Injusta vero & Præva in deteriore, Judicii tempus expectantes.* Adcecit deinde *S. Irenæum*, qui sub finem *Sæculi* a *Christo*